



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Qvod Iudaei Messiam, Qvi uenit, ceu uenturum, temere
expectent**

Samuel <Marochitanus>

Argentorati

VD16 S 1561

Capvt XXVI. In quo probat apostasiam Iudaeorum à deo.

urn:nbn:de:hbz:466:1-36159

P A R A S T A S I S .

domine mi, obsecro, iridentes solennitates ipsorum musico-
rum, nisi Micholfatua, & qui sunt isti canentes nisi
Christiani saltantes, & exultantes deo in humilitate sicut
Dauid, praesertim cum dicit Deus, Omnis spiritus laudet
dominum, si dixisset omnis Israelita praecise, tunc posse-
mus alijs insultare. Et sic Deus fortis & gloriosus dicit
per Esa. Prophetae cap. ij. Quod gentes sunt in conspectu
eius quasi nihil. Sed hoc est intelligendum de gentibus istis
quae fuerunt antequam haberent notitiam dei per aduentum
Iusti, quia tunc fuerunt pagani & idolatrae, ideo intelligi
non potest bene illud nisi de gentibus quae inuenerunt do-
minum, quae offerunt omni die sacrificium mundum in
oriente & in occidente, sicut dicit per os Malach. prophe-
tae, ut iam superius est allegatum, & certe, domine mi,
nos erramus. Attamen.

CAPVT XXVI.

In quo probat apostasiam
Iudeorum a deo.

PAueo, domine, quod apostauimus a deo in primo ad-
uentu istius Iusti, de quo introduximus auctoritates
praedictas, & cui expresse conueniunt omnia quae
scripta sunt apud nos in libris Legis & Prophetarum,
propter quam apostasiam, sicut Deus praetendit longitu-
dinem dierum, & captiuitatem istam nobis intulit, & si
expectamus saluatore alium ab illo iusto, non prodest nobis,
sed argumentum nobis euidentis est captiuitas illa quae fuit

D 4 in Babylone

V E R I M E S S I A E

in Babylonia lxx. annis. Et quantum ad tempus, quia breue, quatum ad gratiam, quia Daniel Propheta fuit captus nobis qui erat amicus Dei, & per quem consolabatur nos de liberatione propinqua, non etiam omnes tribus fuerunt in ipsa captiuitate, sed haec captiuitas iam peruenit ad complementum mille annorum, nec est Daniel nobiscum, & omnes tribus nulla excepta sunt in dispersione elongata a domo sancta. Ex quo signum est euident, quod pro Peccato generali, quod est in nobis omnibus, quod Peccatum cum perseuerat in nobis, perseuerabit ira super Gentem nostram sine spe, & tamen expectamus aliquem alium, quae expectatio non prodest nobis. Et si uoluerimus dicere quod haec captiuitas non est generalis, & quod in aliqua parte Mundi nos habemus regem & principem, cito poterimus secundum legem nostram argui de mendacio, & conuinci. Nam si nos Iudaei in aliqua parte Mundi regem & principem haberemus, hoc esset de una sola tribu, scilicet Iuda, sed Deus diffiniuit contra Iudam quod non esset super Iuda rex ex illa in aeternum. Vnde dixit Hieremi. Propheta capi. xvij. Peccatum Iudae scriptum est stilo ferreo in lapide Adamantino, insiliens super corda eorum, & id quod est scriptum stilo ferreo in lapide Adamantino qualiter deleri expectamus, non delebitur in aeternum, praesertim cum Deus fortis & gloriosus locutus est per os Esae Prophetae cap. iij. Dominator dominus aufert a Hierusalem & Iuda iudicem Prophetam & principem. De nobis etiam dicit Propheta filius Bocerii capite. xv. libri sui.

Erunt

P A R A S T A S I S.

Erunt filij Israël sine principe & sine lege. Nos scimus,
 domine mi, quod ab initio mundi fuerunt aliqui magni &
 sancti coram Deo, & in principio fuerunt longæ uite,
 sicut Mathusalem & Enoch, & cæteri, & nullū illorum
 extendit Deus ultra mille annos, & nos inuenimus inter
 nos quod Messias siue Christus promissus nobis, fuit na-
 tus in Babylonia tempore captiuitatis illius quæ fuit lxx.
 annorum, sed hoc tempus nostrū habet in etate M. & V.
 annos, quam fabulam & non prophetiam nulla ratione
 possumus defendere, hoc tamen dicimus & asserimus in
 Synagogis nostris ubi nullus cōmiscetur nobis extraneus.
 Sed audias doctrinam Christianorum publicā super psal.
 lxxxvij. fundatam, ad Syon dicet homo, & homo natus
 est in ea, & ipse qui est, fundauit eam. In uerbis istis nomi-
 nat Mariam dominā nomine ciuitatis, et dicit quod homo
 natus est in ea, & non dicit, talis Israëlita uel talis, ut in-
 telligas quod filius Mariæ non fuit unquam in lumbis ali-
 cuius hominis. Et in ij. libro Regum cap. ij. hoc manifeste
 declarat, cum Deus dicit ad Dauid. Quando compleueris
 dies tuos, & dormieris cum patribus tuis, suscitabo pro-
 geniem tuam post te, quæ egredietur de utero tuo, & ego
 ero illi in patrem, & ipse erit mihi in filiū. Sed nunquam
 fuit possibile, domine mi, q̄ aliquis egrederetur de utero
 patris sui, sed hoc expresse ponit ad demonstrādum, quod
 Christus nō foret concipiendus in muliere per semen de-
 cisum de lumbis uiri, sicut cæteri homines, tam à Dauid
 quàm ab alijs descendēdo. Dicit etiam Deus per os Dauid

D s in psal.

VERI MESSIAE

in psalmo. Ex utero ante luciferum genui te, ac si Deus fortis & gloriosus diceret de Christo suo, quod de uoluntate sua quæ est spiritus sanctus genuit eum, & non de semine ducendo, cum ponit ex utero, quia Christus natus est ex utero sine uirili semine præter cursum solutum nature, & hæc est uera doctrina Christianorum quæ non intrat in capitibus nostris, propter hoc euenit nobis illud quod euenit nobis. Describit etiam per eundem modum Christum nasciturum Dauid propheta cum dicit in psal. lxxxviij. Iurauit dominus Dauid ueritatem, de fructu uentris tue ponam super sedem tuam. Attamen dei sumus.

CAPVT XXVII.

Concludendo inducit aliqua dicta Sarracenorum de IESV & MARIA matre eius.

Certe, domine mi, licet nobis non opponant Christiani dicta Sarracenorum, præcipue quæ traduntur in Alcorano & in expositionibus eius, scientes quod nos non recipemus, sicut nec ipsi recipiunt, tamen ad fatigationem nostram, & ad fortificationem credentium. Si nobis opponerentur illa quæ dicuntur à Sarracenis de IESV & de beata MARIA eius. Omnes enim Sarraceni dicunt quod ipse fuit ille Messias quem prædixerunt esse uenturum, & præponunt illum Machometi coram Deo quantum ad genealogiam, fatetur enim quod parentes Machometi fuerunt idolatræ & prauis & de semine Agar